

**P. IO. BAPTISTAE
FERRARII E
SOCIETATE IESU
DE CHRISTI
LIBERATORIS...**

Giovanni Battista Ferrari,
Valenti Gonzaga



Vicegerenti, & Reuerendiss. P. Magistro Sacri Palatii
videbitur. Romæ 29. Aprilis 1623.

Mutius Vitellescus.

*Imprimatur, si videbitur Reuerendiss. P. Magistro
Sacri Palatii Apostolici.*

A. Episc. Hieracen. Vicesg.

Imprimatur.

Fr. Dominicus Paulaccius Magister, & Socius Reue-
rendissimi P. Fr. Nicolai Rodulphj Ord. Præd. Sacri
Palatii Apostolici Magistri.

ORATIO.

3



RVMP E tandem, erumpe
quà licet, ex ore, ex oculis,
sine Rhetorum fūco incomptus,
sine partitionis ordine incompōsitus,
Deo moriente, parentalī dolor. Leuiter
dolet B. P. dolorem, quicumque suum
potest ordinare. Hæc vna tristissimam

orbitatem decet eloquentia, confusa cum rerum vniuersitate flebiliter tumultuari. Quamquam vti-
nam confundi omnia, perturbariq. tum primū cœpissent, cum meridiana decolor nocte dies expalluit: cum tre-
pido tumultu dehiscens terra nutauit. Tum sanè, tum potius pessundatus rerum ordo est, cum vilissima subijt supplicia reus apud homines Deus. Hoc igitur lugubre argumentum exlex indicit dolor perorandum. ad clepsydram lacrymarum. Ecce autem hodierna rerum confusio nocturno prodigio prænuntiatur: ecce verno sub sydere, florido anni tempore, in horto Gethsemani, sanguine pluit. Et hætenus quidem inter hortos: inter hostes nunc impensius exanguī defudandum est. Iamq. illi proxima in arena circumstant cum facibus, & armis. Faces equidem istas tenebricōso Inferorum igne crediderim esse succensas, quæ clandestinum ad scelus ita præluxere vobis, nocturnæ furæ; vt obuium noctu Solem non agnoueritis.

re quicquam, ac terras impiet, imperator ad
plendas catenæ seruilis infames angustias redactus,
crudelitatis præda rapitur per triumphum. Ac ne
summum scelus non ritè fiat, è lictorum fæce auda-
cissimus nescio quis, tanquam scurra triumphalis
Deo captiuo insultans, ad risum Pontifici, ad plau-
sum sibi captandum, sonoram alapam infringit. Ala-
pis (miserum me!) in terris plauditur ad salutem,
lapso terrarum Deo. Verùm hæc per ludibria ludit
furor: seriò tandem scelus aggreditur. Ne sæuif-
simi virgatores, ne Regum Regi augustissimo ve-
stem detrahite, quam illi vnâ in rerum omnium
inopia plebeium ad integumentum profusa in alios ip-
sius charitas reliquit. Ne speciosum forma præ filiis
hominum frequentissimo in theatro denudate, cuius
formosissimus pudor oculorum coniectu grauius,
quàm verberum ictu vapulabit. Vates infœlix ego
sum. Ecce delicatissimi sensus verecundia subito ru-
bore suffusa cruentatur. Heu satîs, superque publico
dedecore modestiam vulnerastis. Quid expeditis præ-
terea virgis valentissimi tenerrimum in corpus carni-
fices innocentiam excarnificatis? Vtinam liceret &
tibi, Domine Iesu, ad seruilis laniens declinatio-
nem vocem illam ingenuam, & compluribus saluta-
rem vsurpare, Ciuis Romanus sum: sed superstitio-
num

num id temporis omnium commune Asylum Roma,
 falsis addicta numinibus verum oblita Deum erat ci-
 uitate donare. Extabescite iam in lacrymas oculi,
 quando diuini corporis niues prodigiosi furoris æstu
 soluuntur in sanguinem. Ne, quæso vos, ne vltius
 lictores. Ad terminales dolorum columnas per Ocea-
 num sanguinis ventum est. Neque enim vna, sed ge-
 minæ videntur in illo verberum turbine, in illa san-
 guinis alluie fixæ columnæ: quarum altera è duro
 marmore misericordia mollita non dissilit, quia sen-
 su doloris obrigit: altera in vulnus mollißima, in-
 tolerantiam planè marmorea, quamuis accisis viribus,
 inuictæ tamen fortitudinis mole sua stat. Age immen-
 sa pœnarum spatia fortiter emense perge iam ad co-
 ronæ præmia Ductor fortissime, quæ militaris tibi
 plausus adornauit. Sed quid coronamenti hoc est?
 Hoc deerat etiam hodiernæ portentis immanitatis, vt
 diuina non stellis, sed spinis tempora radiarent.
 Quamquam mirandum non est; quoniam rosas, ante-
 quam marcescerent, in sui coronam luxus præcerpsit;
 solas coronandæ spinas innocentia superfuisse. Re-
 gnandum coronato est. Regnum igitur in terris cape,
 sed coronæ simile, syderum Imperator. Enimuerò
 aprico iam in colle sublimis, atque spectabilis regnas.
 Iam dispergis cum Sole manus. Hoc tamen à Sole
 distas, quòd vtrinque occidis. Vtrinque enim occi-
 dentis vitæ fines trabalibus clauis acuta sensus præfigit
 acerbitas. Neque verò summos inter cruciatus Rex no-
 ster otiosus est. Placetne nosse, suburbano Caluaria in
 regno quid rerum agat? Arborem serit alteri sæculo pro-
 futuram:

ribus iusta perloluat, rerum ordine conuulso funditus
tremefacta, & meridianis tenebris flebiliter atrata,
parentali nenia vlulauit. In communi rerum omnium
strepitu vocem præcludit orationi dolor. Quare priua-
tum, & mutum dolorem hunc meum publicus naturæ
vlulatus perorabit. Dixi,

LAUS DEO, B. V. M.

